



22. september 2016

Inatsisartut suleriaasiat §37 naapertorlugu Naalackersuisunut apeqquteqaat:

- 1. Naalackersuisuniit naqissuserneqarsinnaava 1. januar 2017-miit angalajumaartussat namminneq toqqarsinnaalissagaat, Nunatta Kujataani illoqarfiit akornanni angalaniarunik, qulimiguulimmik imaluunniit immakkut angallammik angalarusunnerlutik?**
 - a. Naalackersuisut naqissusissagunikku, tamanna kikkunnit neriorsuutigineqarsimava, Air Greenland-imit, Disko Line-mit imaluunniit Naalackersuisut Disko line-mut isumaqatigiissutaanni anguneqarsimasunut ilaava?**
 - b. Angalaniartup nammineerluni aalajangersinnaassagaa sorlermut ilaalluni angalaniarnerluni, qulimiguulimillu ilaanissani aalajangiussimaguniuk ullumikkut akigitinneqartut assinginik akiliilluni periarfissaqassalluni, tamanna piviusunngorsinnaassanngikkaluarpat Naalackersuisut isumaqatigiissummik eqqortitsinnginnertut nalilissavaat?**
- 2. Naalackersuisuniit qanoq qularnaarneqarsimava 1. januar 2017-p kingorna angalaniartup qulimiguulimmik angalanissani toqqarsimappagu, akit ullumikkut atuuttut akigitinneqaannassasut, soorlu Narsamiit Qaqortumut kr. 498,-ussasoq.**
- 3. 1. januar 2017-p kingorna Nunatta Kujataani illoqarfiit akornanni qulimiguulimmik angalarusuttussat qaqugu ilaassutissaminnik inniminniisinnaalernissartik naatsorsuutigisinnaassavaat?**
- 4. Bilitsit akikitsut (aappaluttut) iluaqutigalugit angalasut, kinguaatoortoqartillugu ingerlaqqinnissaminnut angumersinngitsut qanoq bilittiminnik annaasaqannginnissaat isumannaarneqarsimava?**
- 5. Naatsorsuutigineqanngitsumik unnuisariaqalernerme kikkut akiliussisuusarnissaat isumannaarneqarsimava?**

- 6. Apeqqutini 5, 6-ilu sammineqartut sullissisussanik isumaqatiginninniarnermi qanoq naleqarnissaat ilaatinneqarsimappat? Imaluunniit nutaamik Namminersorlutik Oqartussaniit aningaasartuutaaratarsinnaappat?**
- 7. Qeqertarsuup tunuani angallannikkut kiffartuussinissamik isumaqatigiissut nutaaq akerlerineqaisoq Naalakkersuisut attanniarpaat?**
- 8. Nunatsinni inuppassuit kiffartuussinissamut isumaqatigiissutit pillugit akerliunerat tusaallugit Naalakkersuisut sutigut allannguuteqartitsippat?**

(Inatsisartuni ilaasortaq Kalistat Lund, Inuit Ataqaatigiit)

Tunngavilersuut:

Apeqquteqarnermut Naalakkersuisut quppersakkaminni ilisimatitsissutaat aallaaviupput.

Ullumikkut Nunatta Kujataani angallassinermi sullissinissanut isumaqatigiissuteqarfigineqarsimasoq, Air Greenland, 1.januar-imiit sullissisutut nangitsissanngitsoq aalajangerneqarsimavoq. Tassunga taarsiullugu Disko Line isumaqatigiissuteqarfigineqarsimasoq nalunaarutigineqarpoq.

Ulluni makkunani ukiortaap kingorna angalaniartut inniminneeriarsinnaannatik inissisimapput inniminniiffissaqannginnamik. Air Greenland-imut paasiniaasimasuugaluit ilisimatinneqartarsimapput, ukiortaap kingorna aalajangersimasumik angallassinissanik pilersaaruteqartoqanngitsorooq. Tunulliarfik, Narsarsuup tungaannut kangerluk, ukiukkut nalinginnaasumik immaklut angallavigineqarsinnaaneq ajormat, qanoq iliorniartoqarnersoq piaartumik oqaatsigineqartariaqalerpoq.

Ilisimagatsigu Disko Line aamma Air Greenland imminnut attuummassuteqanngitsut, silaannakkullu angallassinissani Air Greenland isumalluutigineqarpassimat, qanoq iliorniartoqarnersoq oqaatigineqartariaqarpoq.

Naalakkersuisup nassuiaaneranut naapertuutinngitsunik inuiaqatigiit sullissinissamut isumaqatigiissummut paasinnissimapput. Inuiaqatigiit paasisaat imaappoq: Tunngaviusumik angalanerit tamarmik immaklut pialissapput. Arlaanik patsiseqartumik immaklut angalasoqarsinnaatinnagu, Disko Line Air Greenland-imuussagunartoq qulimiguulimmik atorniartassasoq, qulimiguulillu allanit attartorneqareersimangippat, taanna atorlugu ilaasut ingerlanneqartassasut. Tamanna patsisigalugu angallanneq siumut naatsorsorneqarsinnaanngitsoq pilersaarusiorneqarsinnaanngitsoq pilersinneqartussaavoq. Ukiup ilarujussua immaklut angallatit naatsorsuutigineqarsinnaanaviannngitsut tamanit ilisimaneqareerpoq. Tamanna pillugu tupinnanngitsumik taama killittoqarsinnaanneranik erumasuttoqarpoq.

Naalakkersuisulli quppersakkaminni saqqummiussaata Naalakkersuisullu oqaatigisai toqqissisitsisussaammata, paatsooqatigiinneq peerneqartariaqarpoq. Piaartumik Naalakkersuisut naqissuseqqittariaqarmassuk, oqaatsit uku:

Kujataani illoqarfiit tamarmik akornanni timmisartumik immakkullu assartuiuartoqassaaq - ukioq tamaat.

Angalasut suna atorlugu illoqarfiit akornanni angalarusunnerlutik namminneq aalajangertassavaat. Timmisartog angallaluunniit atorlugu.

Ingerlatsisut bilittinik tuniniaassapput, taamaalilluni helikopterimik assartuineq akisunerussalluni, bilittit ullumikkutut akeqassallutik.

Kissaatigaara apequtit suleriaatsit malillugit, ullut qulit iluanni akineqarumaartut.